

Eva, Eva,
Salich wif, du to my ga!
Et cantet: 'te nostra vocabant suspiria.'

Jhesus dieit:

605 Du werst an dynen sunden storven,
Nu hebbe ik di myt myme dode wedder ^{volsaamd} worven
Unde wil di bringhen an myns vaders tron.

Eva:

O here Jhesu, godes son,
Ik hebbe ghebroken wedder dy,
610 Do ik let bedreghen my,
Dat ik dyn bot tobrak.
Das hebbe ik ghebuwet der helle yak ^{pid}
Wol vif dusent jar.
Nu bun ik gheloseet apenbar.

Jhesus:

615 Volget my myt der gantzen schar!
De mynen willen hebben ghedan,
De scholen alle mede gan.

Tutevillus arripit Johannem dicens:

[Bl. 6^a]

Horet, gy man myt deme rugen velle,
Gy blivet myt uns an der helle.
620 Desse olvendes hut ^{elephant}
De is uns gut
Oft dat regenen wille.
Westu nicht? ik hete Tuteville,
Du scholt don wat ik wylle.
625 Du bust jo de leste,
Du most bliven by deme neste.

Johannes baptista:

Lat my unghetozet!,
Ik bun al gheloseet,
Jhesus heft vor my pantquitinghe dan, ^{mynd ransom}
630 Ik en derf nycht lenger to ghisele stan.
Gheystu nicht vul drade,
Dy wert en slach to der brade!

Satanus sequitur turbam tenendo Johannem dicens:

Horet, gummen her baptista,
Gy konen vele arghe liste.
635 Wolde gy nu aldus untrynnen? ^{from my}
By mynen waren, gy moten myt my an der helle brynnen!
Wylle gy my denne jo entwaren,
Ik holde ju vaste by den haren.

Baptista dieit:

Sathana, du scholt my laten gan
640 Unde nene menschop myt my mer han! ^{conyung}
Mer vare nedder an de hellen,
Dar du ewichliken scholt quellen!
Ik schal my nu tor vroude keren
Myt Jhesum myme leven heren.
645 Deistu des nycht vul drade,
Dy schut noch grotter schade!

Pak dieit:

Here meyster Lucifer,
Gy sint en rechter droghener! ^{dupa}
Gy stan also en vordorven gok! ^{foot}
650] Me mach ju by den voten henghen in den rok.
Gy mogen wol gan myt den beschorenen schapen
Unde leren van nyes melk lapen.
Wane, is ju schen de sucht mede,
Dat gy ju nycht scheppen vrede?
655 Ik hebbe io dicke hort unde is ok recht,
Dat de elrene here bedwynget den ekenen knecht. ^{shiles / oosten}

Lucifer:

Wapen nu unde jummer mere!
Wolk en weldener is desse here!
He nympt uns, dat wy mennich jar hebben to hope tagen. ^{garnes}
660 Wart je man also bedragen? ^{chance}
Wo hemelik heft he dat to weghe bracht!
Twar, we mochten id wol to voren hebben bedacht,
Do he van der maget wart ghebaren,
Dat ne werle was gheschen to voren.
665 Myne kumpane, nu latet ju allen:
Wy willen mer wol bet to sen. ^{we shall take better care in the future}
Desse schar was myt unrechte wunnen,
Also is se uns wedder untrunnen.

Jhesus:

Michael en enghel clar,
670 Ik antwarde [dy] Adam unde syne schar,
Al wes des is, ^{al was en die}
De scholtu brynghen in dat paradys,
Dar scholen ze myner warende syn ^{waiting}
Unde liden nener hande pyn.

Mychael:

675 Ware gades sone, dat schal werden,

653. Wanschen jw is de. 657. Wafen. 664. De se. 666. be to. 668. Statt
runnen stand erst runghen, durch einen dicken roten Strich getilgt.